



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XV.

urn:nbn:de:hbz:466:1-29452

1. Undè dicatur libertas Christiana.
2. In quo consistat libertas conscientiae, & in quo carnis.
3. Quòd hæc libertas nõ liberat à tributo dominorum, nec à Statutorum in Ecclesia obedientia ad Dei laudem ordinatorum.



Christianã libertas idè sic dicitur, quia per Christi beneficium ad hanc vocati sumus: eius mors causa est huius libertatis. Undè Ioan. 8. Si filius vos liberaverit, verè liberi eritis. Nam nullus imperator, Papa, rex, princeps, sacerdos, Episcopus, nullus Angelorum aut Prophetarum atq; hominum donare potuit hanc nobis libertatem, præter solū Christum nostrum redemptorem & liberatorem, idè inquit Apostolus Gal. 5. Iam non estis serui, sed liberi, ad quam libertatem vocavit nos Christus. Igitur à beneficio Christi vocatur libertas Christiana.

2. Scriptura commemorat duplicem libertatem, Cōscientiæ scilicet & carnis, & conscientiæ inculcat, carnis autem prohibet.

Quatuor graduum primus.

Rom. 3.

Est autem libertas conscientiæ quadruplex, & quatuor gradibus compræhenditur. Primus est spiritualis: nam conscientiam liberat & pacificat in homine, quòd Deus non propter legem, sed gratis propter Christum, ex misericordia donat remissionem, & imputat gratiam. Hoc sic definitum est à patre, quoniam propter Christū vult iustificare. Iustificati gratis &c. Act. 10. Huic omnes prophetæ testimoniū &c. Et sic sumus à lege operū liberati, ut ibi non queramus iustificationem & salutē, sed à sanguine Christi, idq; gratis ex misericordia: non verò sic, ut opera non fiant, sed

ant, sed vt non ibi iustitia ligetur, id est in lege operum, à qua liberati sumus. Valet igitur hæc libertas in certamine conscientie in iudicio, quæ maximè consolatur, sed carnales hanc non intelligunt. Est hæc libertas contrà maledictionem legis, vt Deut. 27 Maledictus homo &c.

Secundus gradus libertatis conscientie est, quia in Baptismo donatur Spiritus sanctus, qui nos liberat ac defendit à sæuitia diaboli, ne nos, quantum velit, impugnet. Sic liberi sumus à dæmone ope Spiritus sancti, & de hac libertate loquitur Apostolus 2. Cor. 3. Vbi Spiritus Domini, ibi libertas: scilicet à diaboli tyrannide. Et, Christus Ioan. 14. inquit, Non relinquam vos Orphanos. Isti duo gradus pertinent ad firmandam & consolandam conscientiam, & sunt potissimi in hoc mundo, nam liberant conscientiam ab angustijs: quando non propter legem iustificat, sed gratis: Et liberant à tyrannide Diaboli.

Tertius gradus dicitur plena & perfecta libertas, quæ non potest haberi in hac vita, quæ erit ab omni vitio & cupiditate & molestia carnis, qua beati in patria gaudebunt. Rom. 8. Liberabitur creatura à seruitute carnis, in libertatem gloriæ filiorum Dei. Quartus gradus est liberatio à seruitute legalium, circuncisione, oblationibus, diebus festis, &c. de qua loquitur Apostolus Galat. 5. Si circuncidamini, Christus vobis nihil proderit, id est, ea intentione, vt vos circuncisio iustificet. Nam hoc Deus propter Christum facit, & Col 2. Quando mortui estis ab elementis huius mundi, id est, legalibus, hostijs & cæremonijs, quid adhuc tanquam viuentes in mundo, illa obseruatis? dicentes: Ne tetigeritis, scilicet immunda iuxta legem, neque gustaueritis iuxta legem cibum prohibitum, carnes suillas. &c. Nemo vos iudicet in cibo & potu, aut per dies festos. Et dicitur hæc Evangelica libertas, quoniam ab his liberat Fides in Christum,

Gradus
I I.

I I I.

I I I I.

stum, quæ docet quòd propter Christum iustificamur, & non propter opera atque Cereemonias legis: ademit illis Deus iustificationē, & transtulit in Christum, & nos ab illis liberavit. Sed libertas carnis sic dicitur, quòd homo velamen suæ nequitix quærit, vt illud excuset, sicut carnales dicunt, Deus abrogauit legem, liber sum Christianus. Sed decalogus est scriptus in lege, ergo non teneor ad opus aliquod vel præceptum legis: sic furtum & adulterium non est peccatum &c. Sic de cibo & potu atq; traditionibus prælatorum Ecclesiæ loquuntur. Sed prohibet scriptura hanc libertatem, inquit, Vocati estis ad libertatem, Gal. 5. & 1. Pet. 2. tanquam liberi &c. Illam libertatem plerique iactant, quando sit minima inter omnes gradus.

3. Quòd libertas Christiana non sit, quæ libertatem quærit tributi, nemorum, aquarum, &c. aperte ex scriptura habetur, Rom. 13. Cui tributum, tributum. Et Christus soluit didrachma, Matt. 17. Sunt enim hæc stipendia regentium. Et Deus prohibet furtum, Exo. 20. Ideò libertas Christiana, huc se non extendit, sicut abusi sunt rustici nostro tempore. Deindè non liberat nos libertas Christiana à traditionibus Ecclesiæ, quæ in laudem Dei & bonum ordinem ordinatæ sunt, sicut iubet Apostolus omnia fieri secundum ordinem, 1. Cor. 14. non liberat, inquit, ne seruentur, sed quatenus hic iustificatio non requiratur: alioqui in alium finem sunt seruandæ, sicut Apostolus prædicator maximus libertatis Christi, iubet seruare traditiones, & in illis stare, 2. Thessal. 2. & Acto. 15. & 16. præcipit ciuitatibus seruare decreta patrum, quia nõ sunt præter necessitatem violandæ: Et Petrus iubet nos esse subiectos omni humanæ creaturæ propter Deum, 1. Pet. 2. Ergo non tollit libertas Euangelica tributum, neque statuta Ecclesiæ. Prædicatur libertas traditionum, ne beneficium Christi transferatur
in tra-

in traditiones, id est, ne homines putent se mereri remissionem, & iustos pronunciarī propter has traditiones: Aut ne sentiant fidem inutilem esse sine traditionibus ac talibus obseruationibus, ex qua persuasione ruent conscientia in desperationem, & amittent veram Fidem & Christi notitiam: Vel ne putent simplices aut ineruditi hanc obsequantiam traditionum esse perfectionem Euangelicam, nempe cibum piscium &c. quia verus cultus & Christiana perfectio, sunt Fides, Dilectio, timor, & opera uocationis, &c. Etiam ut consulatur conscientijs, quæ si putabunt hos ritus planè esse necessarios, nūquam acquiescent. Quis enim vnquam obseruauit omnes traditiones? Sed cum in vita humana opus sit certis ceremonijs, ritibus, locis ac operibus, hoc fine, ut omnia honestè & ordine fiant in Ecclesia: nequaquam abolet Cereemonias Euangelium atq; præcepta humana. modò salutis & iustificationis ratio in illis non collocetur, sed in Christo: Nam sic essent impiæ & doctrinæ Dæmoniorum traditiones. Est igitur obseruantia illa aliud nihil, nisi externa disciplina & paedagogia, quæ in necessitatis casu, modò absit contemptus, potest ex Euangelica libertate prætermitti, aut relaxari.

CAPVT XVI.

ARGUMENTA.

1. Undè sacra scriptura dicitur *Litera & Spiritus.*
2. *Quòd Litera occidit, & spiritus uiuificat.*
3. *Quare Scriptura utitur figuratiuis sermonib.*



Litera dicitur lex diuina siue lex Mosai-
ca, quia literis fuit inscripta in tabulis
lapideis Exodi 20. digito Dei, & manet
litera, quia nihil ampliùs tribuit legen-
ti, nisi fides in Christum accesserit quæ
impetrat